



Akcija **SIPA-e** u Brčkom i Tuzli

Razbijena grupa narkodilerā



Uhapšeno više osoba

U okviru akcije "Povratnik", koja je jučer počela u ranim jutarnjim satima, uhapšeno je više osoba, a obavljani su i pretresi na više lokacija na području Brčko Distrikta i Tuzlanskog kantona.

Prema nalogu Tužilaštva BiH, više desetina službenika Državne agencije za istrage i zaštitu (**SIPA**) i **Policije Brčko Distrikta BiH** bilo je na terenu radi hapšenja osumnjičenih za krivična djela organizirani kriminal i neovlašteni promet opojnih droga.

Meta akcije su osumnjičeni sa područja Brčko Distrikta BiH, koji su pod

istragom da su kao organizirana kriminalna grupa od septembra 2016. do avgusta ove godine na području BiH vršili krijumčarenje i dalje rasparčavanje i prodaju veće količine opojnih droga, među kojima su heroin, kokain i marihuana.

Prema prikupljenim dokazima, opojna droga je na područje BiH, odnosno Brčko Distrikta, krijumčarena uglavnom sa područja Republike Srbije, a osumnjičeni su bili učesnici u daljnjem krijumčarenju i narko-dilerskoj mreži prema BiH i inozemstvu. **B. C.**